

थारी बांकी अदा पे वारूं प्राण,
ओ जी श्याम रंगीळा,
मिलता रईज्यो जी,
थां की मारै छै मीठी मुस्काण,
थां रा नैण रसीळा,
खिलता रईज्यो जी ॥

तर्ज थाणै रस्तै मं होसी गणगौर ।

मन का थे मनमौजी कान्हा,
मनगरा जी राज,
कोई दिन तो आवो थे,
म्हां रै घरां जी राज,
म्हां की छोटी सी अरजी नै ल्यो माण,
म्हां रा छैळ छबीळा, मिलता रईज्यो जी ॥

पड़दो थां रै स्यूं कांई,
राखणों जी राज,
थां रै स्यूं ई तो सांचो,
भाखणों जी राज,
थां को रसना स्यूं करां के बखाण,
थां रा नैण रसीळा, मिलता रईज्यो जी ॥

आंधा री थे ई कान्हा,

लाकड़ी जी राज,
म्हां पै सांवरिया थां री,
ठाकरी जी राज,
थां को नित की करां छां गुणगान,
म्हां रा श्याम सजीळा, मिलता रईज्यो जी ॥

श्याम बहादुर सांचा,
सांवरा जी राज,
नैणां सुरंगा म्हां रै,
राव रा जी राज,
थे ई शिव रा तो सांचा जिजमाण,
गोपाळ हठीळा, मिलता रईज्यो जी ॥

थारी बांकी अदा पे वारूं प्राण,
ओ जी श्याम रंगीळा,
मिलता रईज्यो जी,
थां की मारै छै मीठी मुस्काण,
थां रा नैण रसीळा,
खिलता रईज्यो जी ॥

स्वर संजू शर्मा जी ।
प्रेषक विवेक अग्रवाल जी ।
9038288815

Source:

<https://www.bharattemples.com/thari-banki-ada-pe-varu-pran-shyam-rangila-milta-rahijo-ji/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>